

CODEx ASTENSIS

QUI

DE MALABAYLA COMMUNITER NUNCUPATUR

Vol. II.

PARS PRIMA, SECUNDA ET TERTIA CODICIS

EDIDIT

QUINTINUS SELLA

LYNCEORUM ACADEMIAE CONSULTO

ASTC:MITET:NVDO:



ROMAE

EX TYPIS SALVIUCCI

MDCCCLXXX.

ingenio sub pena damnorum et expensarum et interesse proinde factarum et habitatum quocumque modo si contra facerent vel venirent, seu facere attentarent solemniter stipulantes a dicto Sindico nomine iamdicti comunis Astensis Et renunciaverunt predicti de lanzavegijs, eorum et predictis nominibus iamdicto sindico recipienti nomine comunis Astensis et omnium et singulorum quorum interest vel intererit omnibus iuribus eisdem quocumque modo competentibus predictis occasionebus vel quibuscumque alijs in predicto loco et posse de bloneis. Et promiserunt eidem sindico nomine supradicto stipulanti, quod in predictis vel aliquo predictorum ius aliquod non petent, nec proinde predictum comune astense, vel aliquam personam Comune vel universitatem, non appellabunt inquietabunt vel molestabunt predictis vel quibuscumque alijs occasionebus, que dici vel excogitari possent aliquo modo vel ingenio. Et pro predictis Cessione et renunciatione, et alijs omnibus et singulis suprascriptis et infrascriptis fuerunt confessi predicti de lanzavegijs, videlicet domini Michael, Jacobus et Guilelmus, Manuellus et Girardus eorum nominibus et quo supra se se transactionis nomine habuisse et recepisse a predicto sindico nomine predicti comunis et de pecunia ipsius comunis libras tricentas Astenses, Renunciando exceptioni non numerate et non recepte in integrum quantitatis pecunie supradicte. Et quod non possent dicere se se lesos vel deceptos in presenti cessione et transactione et contractu ultra dimidiam iusti precij vel in aliqua parte ipsius precij, doli mali in factum, Et exceptioni conditioni sine causa vel ex iniusta causa et omni alij exceptioni et iuri. Et pro predictis omnibus et singulis attendendis et observandis predicti de lanzavegijs omnes et singuli, omnia eorum bona eidem Sindico recipienti nomine et vice comunis Astensis pignori obligantes.

Et ego Bartolomeus bucha clausa notarius palathinus predictum instrumentum abbreviavi et tradidi, et iussu ac voluntate dictarum parcium interfui et sic scripsi.

V. De Serra Meceti que vocatur Sanctus Stephanus.

(Hic pictus est mons moenibus et turribus munitus. Vid. Tab. IX, n. 5).

101. *De abrenunciatione domini Raymondi Marchionis de busca de fidelitate Castri et loci sancti Stephani.* 1216. 17 Aprilis¹.

Anno domini m^occ^oxvi^o. Indictione iiii^a die dominico xv kall. madij presentia subprascriptorum² testium dominus Raymondus marchio de busca coram presentia domini Ruffini de Olevano potestatis Astensis, abrenunciavit fidelitati domini Guilelmi de Castello pro se et nomine aliorum omnium suorum hominum de sancto Stephano. Et ei precepit tam pro se quam pro omnibus alijs suis hominibus eiusdem loci ut ipse faciat et alij facere debeant fidelitates predicto potestati nomine comunis de Aste pro parte quam habet in eodem Castro et in pertinencijs. Actum in claustro ecclesie sancti Gaudencij de sancto stephano. Interfuerunt testes. Ogerius ceratus de alba, Anselmus de boseis de Calocio, magister Petrus becarius, Baialardus berardengus, Obertus de cayalupa, Silibonus de porta, Mussus filius Iacobi boviculi.

¹ Instrumentum hoc iterum occurrit in Codice; quapropter servata tantum suo loco, ad N. 530, inscriptione, hic lectionem variam subjungimus. — ² *subscriptorum*.